

第二冊

暑淫病案
火淫病案



全國名醫驗案類編

續編

上海大東書局印行



當代全國名醫驗案類編續編目錄

初集 六淫病案

第五卷 暑淫病案

伏暑案……………黃瑞書

驚癇案……………張雪仙

畏熱貪涼傷暑案……………吳佩衡

少陰伏暑案……………朱鏡洲

暑瘧……………龔正修

伏暑挾經案……………周小農

小兒疰夏症案……………邱蓮青

陽明暑溫案……………張相臣



南京中医药大学图书馆版权所有

暑熱案·····丁佑之

伏暑夾食案·····謝躍衢

暑證案·····丁佑之

暑寒兩感案·····何伯雄



當代
全國名醫驗案類編續編

初集 六淫病案

泰和劉守仁山房珍

第五卷 暑淫

○伏暑案

黃瑞書
上海
麥根路

【病者】竇瑞生夫人，年廿四歲，住共和路，去年八月十八日病。

【病名】伏暑挾積。

【病因】中秋節恣食葷腥，夜間玩月貪涼，臨睡略覺形凜，明晨即寒熱不起，頭

昏噁逆，胸悶便泄。

【症候】灼熱一候，汗多不解，面赤口渴，唇焦齒垢，大便閉，腹時痛，神昏譫語，循衣撮空，脈弦數而實，苔濁膩滿佈色灰黃，舌質邊尖紅絳無液。



【診斷】此伏暑化燥與陽明積滯互蒸灼燥津液之候也。蓋陽明胃脈上通於心。上蒙心包。神明無以自主。腑濁燥結不行。下逼少陰。陰液被劫。津液無以上潮。

【療法】宜急下存陰。鹹寒泄熱。甘寒救津。冀勿陷竄厥陰。爲涸液動風。瘳厥之變。

【處方】烏犀角尖 五分 磨沖

西瀉葉 三錢

海南子 一錢 半

生錦紋軍 六錢

鮮生地 六錢

生枳實 三錢

全瓜蒌 四錢 元明粉 三錢 同打

玉泉散 八錢 絹包

白知母 三錢

鮮金石斛 五錢

黑元參 三錢

淡子芩 一錢 半

活水蘆根 八錢 去節

另安宮牛黃丸 一粒 辰燈心湯先送下

【覆診】服藥後大便解。下黑燥堅糞十餘枚。腹痛即止。熱勢大退。神識較清。循衣撮空譫語等症均無。舌灰膩稍化。舌質紅絳稍淡。此陽明府濁通降。伏熱亦隨之下導。陰液得以上潮。清竅不致蒙混。病情大有轉機。惟伏



熱蘊釀不易遽化。宿積燥結。何能一鼓蕩滌。還宜守原法小其制。

【次方】烏犀角尖 二分 磨沖

生枳實 一錢 半

黑元參 三錢

海南子 一錢 半

生錦紋軍 三錢

瓜蒌仁 三錢 元明粉 三錢 同打

白知母 二錢

活水蘆根 八錢 去節

鮮金石斛 三錢

淡子芩 一錢 半

查肉炭 三錢

【三診】藥後瀉下。先鞭後滯。垢污甚多。苔灰膩化清。維根截尙帶黃膩。神清熱

減。脈絃實較和。乃積熱下泄。腑濁通降。伏熱化解。津液恢復之象。但濁

蘊熱蒸之餘。真氣陰津被傷。胃氣未和。再擬清化鬱熱餘滯。調胃生津

之法。

【三方】鮮生地 六錢

陳萋皮 三錢 元明粉 一錢 半 化水炒

雞心栳榔 一錢

炒枳實 一錢 半

原乾金石斛 四錢

焦查肉 三錢

粉丹皮 三錢

炒白知母 二錢

淡子芩 二錢

黑元參 三錢

黑山梔 一錢 半

活水蘆根 八錢 去節

導滯丸 三錢 絹包



【四診】二劑後汗泄熱退。胃開喜納。維日晡潮熱。夜寐盜汗。根截膩苔亦化。脈形濡數。係腸腑濁滯蕩滌無遺。伏邪蘊鬱。由裏達表。所以日晡仍有潮熱之作也。蓋伏暑挾積之候。當其燔灼薰炎。與積滯互結之際。熱被積阨。積藉熱煉。交相爲虐。一經積化。濁降伏熱。雖隨之而解。然其深匿於募原三焦之餘熱。亦有復由經氣達表而解者。茲宜清透伏熱爲主。養陰和胃佐之。

【四方】大豆卷

四錢

原乾金石斛

四錢

淡子芩

二錢

赤茯苓

三錢

香蒿梗

三錢

炒穀麥芽

各二錢

常山片

三錢

塊滑石

三錢

輭白薇

三錢

佩蘭梗

一錢半

炒銀花

二錢

浮小麥

一握

稻二青

一握

【五診】三劑後潮熱止。盜汗減。脈靖身涼。穀納有味。稍能起床略坐。但坐久尙覺頭眩。脚輭手心烙熱。此伏邪清退之後。氣陰並傷。不克恢覆。當培養

氣陰以善其後。還宜慎寒暄。節飲食。杜防餘燼復燃。

【五方】西結洋參 八分

炒范志麴 二錢

炒銀花 一錢半

建蓮 十粒

原乾金石斛 四錢

炒穀麥芽 各二錢

炒麥冬 二錢

淮小麥 三錢

炒薦豆衣 一錢半

赤茯苓 三錢

白薇梗 三錢

【效果】此伏暑挾積之病。初發未經清化消導。迨一候來邪勢鴟張。濁滯被邪熱燥結。津傷熱蘊。勢頻危篤。幸未陷竄厥陰。故易驅之而出耳。

【愚按】六淫之邪感者易治。伏者難治。諺云。久病無孝子。伏邪糾纏。爲日必久。如治絲然。緩則可解。急則易紊。用藥得法。進步極微。看護偶一不慎。則前功盡棄。故爲難也。此案初診謂宜急下存陰。四診謂伏邪復由經氣達表而解。皆屬不刊之論。可爲初學準繩。惟立方稍嫌過重。及品味太雜。殆爲欲速之心理所驅使而然。孔子曰。欲速則不達。治伏邪者。當書諸紳。

○驚癰案

張雪仙 住阜寧縣天賜楊



【病者】黃君席珍子、年五歲、住西場、

【病名】驚癇、

【原因】素形膽怯。於戊辰八月二十六日見隣人爭鬪。猝受驚恐。因而成癇。

【症候】初起卽呵欠煩悶。發熱口渴。頭額有汗。汗出其熱漸退。不久復熱如故。

喉內痰鳴。一哭卽嘔。嘔則痰出。臨發而搐。頗類驚風。伊父以金戒指煎

水令服。服後其搐愈甚。

【診斷】指紋青紫。脈弦數。此暑邪伏於足少陽膽經。偶觸驚恐而起。

【療法】以青柴平肝破滯。樸夏平胃祛痰爲君。苓芩清熱利溼。朮草補脾調中、

草菓除痰截癇以輔之。

【處方】

醋青皮 一錢

製半夏 一錢

枯黃芩 八分

煨草果仁 五分

白雲苓 一錢

北柴胡 一錢

陳皮 一錢

厚樸 一錢

炙甘草 五分

生薑 三小片

大棗 二枚



【覆診】一服即汗。汗後其搐稍減。口渴如前。仍仿前法加味。

【次方】醋青皮 一錢

製半夏 一錢

枯黃芩 八分

煨草果仁 五分

白雲苓 一錢

北柴胡 一錢

陳皮 一錢

原樸 一錢

炙甘草 五分

焦白朮 一錢

麥門冬 一錢

知母 一錢

常山 八分

烏梅 一個

生薑 三小片

【效果】二十八日服後。其搐頓止。煩渴全清而愈。

【說明】此卽俗云熱瘧症。內經謂十二經皆有瘧。究其所因。大要不離乎足少

陽膽經。蓋瘧之不離乎少陽。猶咳之不離乎肺也。伊家長誤認驚風。施以鎮墜。以致正邪激搏。榮衛遲留。陽欲入裏。陰內阻之。陰欲出表。陽外遏之。少陽欲升不得。升太陰欲降不得。降以故神情潰亂。臨瘧而搐。二次以和解表裏分理陰陽得收全效。設認驚風百無一救。爰贅數語。以爲動認驚風者戒。



【遠按】此案認證確實。論議詳明，足爲藥誤者示之繩墨。惟處方稍嫌龐雜，如初方案內有朮，而方內無之。然朮味澀而性守，究不可用。次方常山烏梅，其失更甚於朮。有此卓識好案，而爲一眚所累，不免可惜。故備論之。

○畏熱貪涼傷暑案

吳佩衡 住雲南省昆明南門外
公祠南廿一號

【病者】廖參謀伯銘，蜀南會理人，年三十一歲，住雲南省昆明市海潮巷八號。

【病名】暑症。

【原因】體質素強。民國十七年戊辰五月十六日出遊，返家脫衣感冒而起。

【症候】初起卽發熱惡寒，頭疼體痛，繼則壯熱煩渴，飲冷溺短赤，經西法針藥等無效。尤加沉重，壯熱大渴，已經三日。

【診斷】脈來浮絃而數，舌紅而燥，面赤唇紅而焦，由暑邪傷陰，邪熱內壅，復被表寒閉束，腠理不通，而成表寒裏熱之症。法當表裏雙治。

【療法】以仲聖麻杏石甘湯助陰解表主之。

【處方】生麻黃 四錢

生石膏 八錢

杏仁 三錢

生草 三錢

【覆診】十七日。一劑卽汗出如洗。脈靜身涼。頭體痛已愈。表邪雖解。裏熱未清。

仍渴冷飲。稍進稀粥。以人參白虎湯加生脈散。培養真陰而清餘熱。

【次方】沙參 八錢

石膏 五錢

知母 四錢

寸冬 八錢

五味 一錢 生草 一錢

【效果】服後渴止津生。食量增加。溺尙短赤。再劑去石膏加滑石 四錢

生地 四錢

服後溺清而長。邪熱全清而愈。

【遠按】昔人謂暑忌麻桂。其實亦不甚然。此證裏熱被表寒所束。非麻黃何

能解表。妙在次方卽轉用白虎生脈。敏腕卓識。皆可法也。

○少陰伏暑案

朱鏡洲 廣東台山縣三八墟

【病者】台山冲泮陳疇賢之女。年十八歲。

【病名】少陰伏暑



【原因】嫁未彌月。貪涼過食。患伏暑症。惡寒發熱。投發散風寒。佐以芳香透達。寒熱將罷。下利純清。

【診斷】脈象長洪。舌苔厚膩。色帶糙黃。係少陰熱證。仲景有急下之法。蓋暑雖屬於三焦膜。原出入於陽明太陰之間。然腸胃有宿食。少陰有伏氣。燥屎不下。熱結旁流。所下非血也。若不急下。必致內燄亡陰。

【處方】用三一承氣湯下之。大黃 芒硝 枳實 厚樸 甘草

大便秘後。黃苔即退。脈形洪大。轉為柔輭。病即愈。

功。遠按燥屎不下而下純清。是少陰邪氣欲自尋出路也。因勢利導。故易為功。

○暑瘧

【病者】黃文龍。住台山大江海潮。旅美華僑。旋鄉未久。

【病名】暑瘧。

龔正修 廣東台山白沙人住
台山大江萬生堂



【原因】六月下旬。趁市受暑爲起因。後食生菓飲涼水。爲誘因。

【症候】初病身熱。微惡寒。第二日但熱不寒。前醫連診八日。石斛竹葉用至一兩。地骨皮八錢。丹皮六錢。柴胡四錢。黃芩三錢。每日未申之交發熱。至晚七八點。熱退。自汗出。作渴。不思食。脈洪實有力。右脈較大。舌苔薄黃。澁。尙帶微潤。不大解。已五六日。腹遠臍微實不舒。形氣未減。刮痧紫黑色。

【診斷】此暑邪已入陽明之腑。用白虎湯。加承氣法調治之。裏和表自和也。

【處方】生石膏 五錢

大知母 三錢

甘草 八分

大黃 二錢

瀉葉 一錢五分

枳實 一錢五分

正川樸 一錢五分

【覆診】半夜瀉二次。熱不作。脈稍和。前方去大黃瀉葉枳樸。加味與之。

【次方】生石膏 三錢

大知母 二錢

甘草 八分

花旗參 二錢

竹葉 三錢

象貝 二錢

青蒿 二錢

蟬蛻 二錢

【效果】服後。瘧不再發。

【遠按】日晡所發潮熱。爲陽明的候及裏實可攻。仲景均已詳述。不讀仲景書者。眞如盲人騎瞎馬。夜半臨深池。其不自誤以誤人者。幾希。

○伏暑挾經案

周小農
江蘇無錫西門外棉花巷

【病者】管文奎妻。年念餘歲。住城內橫街。壬戌八月。

【病名】伏暑夾經。

【原因】素性抑鬱。與姑勃谿。伏暑內蘊。適值經來。

【症候】寒熱旬餘。熱甚氣悶。醫投白虎加減。熱鬱昏沉。苔白微黃。脈沉細不起。

【診斷】伏熱兼氣鬱。熱入血室。故脘腹窒悶。

【療法】清伏邪。泄肝鬱。行氣滯。通血凝。

青蒿 三錢

金鈴子 三錢

泡射干 八分

丹參 三錢

黑梔 二錢

玄胡 三錢

製香附 二錢

五靈脂 三錢



南京中醫藥大學圖書館版權所有

丹皮 二錢

鬱金 三錢

蘇梗 二錢

益元散 三錢

另伽楠香 一分

藏紅花 二分

西血珀 五分

龍涎香 五厘

研細末開水下

【次診】服二劑轉爲瘧疾。是厥陰之症。由少陽外達也。

【次方】上方去青蒿黑梔射干蘇梗。

加軟柴胡 六分

炒黃芩 錢半

蓬莪朮 三錢

旋覆花 三錢

又服二帖並令覓善針者刺期門穴。

【效果】熱退諸症若失。

還按解暑利在輕清而熱入血室則非輕劑可治看他重用玄胡靈脂而仍以青蒿六一散之輕清引之達表處方具有手法所以爲工

○小兒疳夏症案

邱蓮青 浙江南潯鎮

【病者】王蘭亭子年三歲住南潯北柵莊家弄元大線店己巳七月初九日診



【病名】俗稱注夏，即古稱消症。

【原因】以天時炎暑，酷熱迫人而起。

【症候】身熱神煩，口渴喜飲，飲水無度，溲溺清長，每夜溲溺至二十餘次，大便

濡溇。

【診斷】幼穉純陽，陰偏不足，體軀孱弱，不耐夏令炎威，一遇酷熱，病勢驟劇，天

氣稍涼，病勢亦緩，宛如柔嫩盆花，置於烈日之中，立見枯萎，以水灌漑

即甦。

【療法】甘寒生津，酸甘化陰，仿喻嘉言清燥救肺湯，合三才加梅芍等味。

【處方】北沙參一錢半

冰糖水炒石膏四錢

淡天冬一錢半

全麥冬一錢半

細生地三錢

清炙甘草五分

白燕根一錢半

炒白芍一錢半

吉梅肉五分

蛤粉炒阿膠一錢

【覆診】三劑後，病勢大減，仍宗前法加味。